



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. CLV. De Destructione castri Birgelau.

urn:nbn:de:hbz:466:1-11850

CAP. CLIII.

De

*Bello fratrum in castro Wartenberg,
& morte plurium Christianorum.*

Fuit castrum quoddam in terra Colmensi, in quodam monte dicto Wartenberg sito in medio stagni, trahens nomen suum ab eodem monte, in quo fratres cum multis armigeris habitabant. Et accidit quadam die dominicà, quando populus de vicinis villis esset in solatio & choreis, supervenit quidam exercitus de Sudovia improvisè & totum illum populum interfecit, mulieres & parvulos secum ducens.

CAP. CLIV.

De

Expugnatione castri Wartenberg.

Quotiescunque & quantumcunque gentes istæ de Christiano sanguine funderent; non tamen à persecutione cessabant. Utebantur enim totis viribus, ut eos usque ad interitum delerent; Undè Sudovitæ congregato iterum exercitu majori venerunt ad castrum Wartenberg, & post multas impugnationes & duras, fratribus eis pro sua possibilitate resistentibus, tandem ipsum cremando funditus destruxerunt, duos fratres cum tota familia occidentes, & sic dictum castrum in præsens remanet desolatum.

CAP. CLV,

De

Destructione castri Birgelau.

(a) Cri-

*Hanno de Sangerhausen VII. Mag. Gen. Ord. Teuton.
Conradus à Tierberg Senior IX. Mag. Prov. in Prussia.*

(a) **C**Rinota filius Regis Lethovinarum assumptis sibi pluribus
Caliis gentibus usque ad (b) XXI. millia virorum ad præ-
lium congregavit, & dum appropinquaret terræ Pruschia, divisit
exercitum suum in tres turmas, quarum unam misit contra Mas-
soviā, aliam (c) contra Pomesaniā, & utramq; terram rapinā
& incendio devastavit. Reliqui intraverunt terram Colmen-
sem & præter alia mala, quæ ibidem fecerunt, castrum (d) Bir-
gelovv expugnaverunt, pecora & omnem suppellectilem fra-
trum & eorum, qui ad dictum castrum confugerant, deducen-
tes. Fratres & alii homines in quadam turri se defendentes
sunt salvati.

ANIMADVERSIONES.

- (a) Jeroschinus habet *Trinote*. Idem habet Auctor Chronici Germ.
Antiq. quo usus est Dn. Zamelius.
(b) Jeroschinus dicit triginta millia. Item Chronicon. Germ. modò
citatum.
(c) Auctor Chronici antiqui Germanici dicit, quod turma illa missa
fuerit in territorium Christburgense, situm in Pomezania.
(d) Est hodie in ditione Thoruniensis Civitatis. Arcis verò illius ex la-
pidibus structæ rudera tantum conspiciuntur. Habuit olim Con-
ventum Fratrum. Henneb. in *Comment.* pag. 32.

CAP. CLVI.

De

*Bello totius Colmensis terræ in secun-
da Apostasia.*

De

Morte plurium Christianorum.

FRater Heydenricus Episcopus Colmensis dum Capellam Ho-
spitalis infirmorum de Thorun extra muros sitam consecras-
set.

li

set.